

K296.1

100

(490:1)

中國方志叢書·華北地方·第四五八號

據

民國·靳蓉鏡、晉克昌等修，蘇寶謙纂
民國二十五年鉛印本

影印

河南省

鄆陵縣志

(六)

成文出版社有限公司印行

中華民國六十五年

月臺一版

鄢陵縣志

全六冊

發行人：黃

成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

鄆陵縣志卷二十五

文詞志一

詔制 教 疏表 議 記

詔制

晉

授庾純爲河南尹詔

泰始六年

詔曰河南京畿大郡四方表則中書令庾純清粹中正才經治

亂其以純爲河南尹

北堂書目 王隱晉書

授庾純爲國子祭酒詔

咸寧三年

詔曰議郎庾純篤志好古敦說詩書儒行也宜訓導國子

北堂書目

引藏榮緒晉書

鄆陵縣志

卷二十五 文詞志

國封新印所承印

梁

徵庾詵庾承先詔

梁武帝

明剔振滯爲政所先旌賢求士夢伋斯急新野庾詵止足栖退
自事卻掃經史文藝多所貫習潁川庾承先學道黃老詵涉釋
教並不經不營安茲枯槁可以鎮躁敦俗詵可黃門侍郎承先
可中書侍郎勅州縣時加敦遣庶能屬志方冀豐梅

見梁書

唐

授崔諤之少府監制

蘇

頤

武人

黃門上方既設內府爲要選衆而求非賢孰與銀青光祿大夫
行太府少卿上柱國趙國公崔諤之承名相之軌有忠臣之節

正無所誦明無不鑒若披雲霧不雜風塵籍甚才名彬彬文質
允茲邦彥尤重時英用存文舉之選庶叶孟孫之拜可少府監
勳封如故主者施行

見文苑
華

授崔元之度支郎中制

孫遜

武水人

勅具官崔元之識足匡時材宜濟用郎中應列宿之位慎必擇
人軍國當賦財之殷尤宜紀德元之以名家騁驥華國播瓊藝
苑許其溫恭士林推其端厚得專其任爰舉舊章佇爾發揮以
之贍濟可尚書度支郎中散官封賜如故

見文苑
華

授李思敬馬殷湖南節度使制

盧說

門下十國爲連萬夫是長兼文武之寄居方岳之重握我兵符

鄆陵縣志

卷二十五 文詞志

七

二

開封府志卷之五

疇咨人傑而又東神京襟帶扼衝越咽喉疏五時之封疆跨三
湘之土壤節制之重東求惟難之計合諸爰膺並命具官李思
敬族著山西神交圯上鼎鑪刻伐帶羈誓盟探義府之根源暢
和門之方略雙韃小戟承家而猿臂推奇叔豹季經濟美而牛
頭入夢具官馬殷夙彰奇節素挺英才究六韜三略之微得十
圍五攻之要誅暴救亂戰必勝而攻必取安人和衆近者說而
遠者來既有勇而知方善勝殘而去惡並懷仁抱義履信資忠
載張四維俱崇七德或貳戎車之政令寬緩不苛或列雄鎮之
備裨動用安重使惇睦懷其惠桀黠畏其威爲我寶臣咸彰嘉
績有以難兄告老渥懇以聞俾諸內舉之誠爰頒試守之命有

以元戎隕喪軍俗上陳言其深得士心可使爲帥姑徇人欲爰假武符或曾未半期或始逾星紀皆聞報効允叶陟明而善守化條克固吾圉綏懷有庶協比其鄰底貢率循于舊章賦事因愆於彝制不有卽真之命曷明勸賞之文是用授以旌鉉錫之鉄鉞或昇其馭貴啟以邑封洎夫端揆之崇並壯方隅之寄各竭誠節以奉明恩撫字蒸黎尊獎王室無窮九貢須布六條咸思不溢之言以謹有終之戒服我謨訓往惟欽哉

見全山文

宋

張潮可將作監丞崔公儒可大理評事制 胡宿

勅某等在賓輔之地振津陸之要惟是支局分隸屬邑爾以質

幹之敏上等課之成征有羨緒酖多餘息放於末利在道則非
格於首公其勤可錄進升匠屬擢任刑評往祇甄敘之恩勿忘
修飭之素

見胡文
集

明

中書舍人陳棻制

弘治十五年

勅曰朕稽古中書舍人以掌命令爲任而列於侍從則又職在
論思然則典謨治體潤澤王言皆其所有事也往稱茲官不其
難歟爾中書舍人陳棻以文行之懿而奉對大庭議論器識明
重雅典蓋衰然之選也擢任今職材以飭政學以資什蔚有聲
聞茲特授爾階徵仕郎錫之勅命優游冊府已足爲實盡爾所

長嗣有顯擢見志

南京通政司右參議劉訥制嘉靖十八年

制曰惟今通政卽古門下省而南曹崇峻尤號清階非時彥儲
不入此選爾南京通政使司右參議劉訥迺故太子少保刑部
尙書贈資政大夫璟之子才敏而逸學粹而閎自擢甲科原闕
作郡士明刑折獄克愆令猷設法賑饑著有成績會先朝闡豎
構誣逮繫獄庭及朕嗣宅丕基始雪爾枉賜環舊服尋召中臺
按蒞薦更激揚有體吳江遼海南北澄清旣以永慕陳情命爾
歸養顧茲純孝益稔移忠爰超以納言之御置之九卿之列雍
容華胄協恭舊都庶幾明德之懷報士之禮其少慰乎不然朕

忍俾侍從之臣去左右哉茲以大享覃恩是用進爾階奉政大夫錫之誥命於戲朕欲使遠說殄行以濟都俞吁咈之美惟爾納言諸臣是賴爾尙殫忱恂益力茲勉以終爾堯舜君民之志不其偉與

見念錄

大理寺卿劉訥制

高拱

制曰國家折民惟利用弼五教惟大理實任平反惟卿實率厥屬匪得老成人亦曷克乂民於棐彝具官劉訥夙邁乃德亦懋乃學爰作郡士用法明允惟爾賢既晉臺史代予省方憲度克貞惟爾賢既作納言貳廷尉以僉於總臺同寅協恭歷有贊襄之績惟爾賢予惟爾嘉俾長於理乃克殫厥忱恂審於庶獄罔

或不經亦罔罹於非辜俾刑清而民服多方以甯時乃功茲以
祀成覃恩特進階通議大夫錫之誥命嗚呼天下之命決於爾
一人厥維艱哉予曰辟爾惟勿辟予曰生爾惟勿生惟既乃心
克協於中期於無刑斯承朕之休無斁

見高文
襄公集

封山東堂邑縣知縣韓自重制

嘉靖二年

勅曰世有履道剛貞之士延啟後人弘堂構奮起吏治蜚譽
循良蓋孝友爲政名德可師不第縣譜之授受也推恩隆本國
有彝章寵褒豈有愛焉爾監生授上林苑監監丞韓自重乃山
東東昌府堂邑縣知縣韓法愈之父遠韻奇情醇衷懿節產推
同氣揮辭不吝千金囊散寒人感誦如出一口種德維培蘭蕙

傳家獨事詩書迹躍成均聊觀光於上國志輕升斗遂資彩於
邱園標德義之芳型稱於鄉爲祭酒昭義方之彝訓正於家曰
嚴君瓊階之七桂齊芳丹雘之一雘早奮治聲已著世業彌昌
欲揚燕翼之芳宜需龍綸之寵是用覃恩特封爾爲文林郎山
東東昌府堂邑縣知縣如子官慶華椿庭教一經而奮跡命宣
楓陛介三壽以作朋

見經志

南京禮部儀制司郎中鄭二楊制

諡謚四年

制曰朕惟人臣委身致主品定而後可與論才骨堅而後可與
肩事朕求賢如不及而南北秉鈐之臣往往取諸淹抑亦以宿
望名流標格有素行且大用畀之也爾南京禮部儀制清吏司

郎中鄭二陽偉行綽有父風棄學蔚爲國器退之李楚蚤受知
於建封純仁治安已交歡於石介既拾才七澤擢秀三吳盡南
金竹箭之良寄耳目股肱之任遂遶茂等見擠柄人猶幸碩果
偶存君子以儉德辟難留都薦陟大節以歷任愈明爰畀工曹
再遷議部會朕踐祚特簡陪銓阮咸終補故司舊知名於啟事
汲黯召爲主爵因抗直於當年嚮用方新簡注有屬茲覃恩溥
慶仍以原銜授爾階奉政大夫錫之誥命夫士患不學耳爾以
孝友處家庭以清慎處官守於國家典故無不周咨明習出以
用世何動不臧尙懋勉之厲中行光大之恩報貞無咎合蕭要
清通之美提登稱平秩甯藩爾留都哉祇受訓詞行陟爾矣

見

乘氏家

教

梁

招隱逸教

成安王

夫鶉火之寓不匿形於丹山
昭華之寶乍耀采於藍田
是以江漢有濯纓之歌
空谷著來思之詠
宏風開道
靡不由茲
處士河東韓懷明
高平韓望南郡庾承先
河東郭麻並脫蕭風
塵高蹈其事兩韓之孝友
純深庾郭之形骸枯槁
或橡飯菁羹惟日不足
或葭簞艾席樂在其中
昔伯武貞堅就仕河內
史雲孤弱屈志陳留
豈曰場苗實惟攻玉
可加引辟并道喻意
既同魏侯致

禮之請庶無辟疆三緘之歎

見梁書王傳

疏表

晉

化俗疏

時風俗趨競讓陵遲峻上疏

峻

庾邑人

臣聞黎庶之性人衆而賢寡設官分職則官寡而賢衆爲賢衆而多官則妨化以無官而棄賢則廢道是故聖王之御世也因人之性或出或處故有朝廷之士又有山林之士朝廷之士佐主成化猶人之有股肱心膂共爲一體也山林之士被褐懷玉太上棲於邱園高節出於衆庶其次輕爵服遠恥辱以全名最下就列位惟無功而能知止彼其清勁足以抑貪汙退讓足以

鄧陵縣志

卷之二十一

七

鄧陵縣志

息鄒事故在朝之士聞其風而悅之將受爵者皆恥躬之不逮
斯山林之士避寵之臣所以爲美也先王嘉之簡雍華世而德
合於主行雖詭朝而功同於政故大者有玉帛之命其次有几
杖之禮以厚德載物出處有地既廊廟多賢才而野人亦不失
爲君子此先王之宏也秦塞斯路利出一官唯有處士之名而
無爵列於朝者商君謂之六竭韓非謂之五蠹時不知德惟爵
是聞故囹圄以公乘侮其鄉人郎中以上爵傲其父兄漢祖反
之大暢斯否任蕭曹以天下重四皓於南山以張良之勳而班
在叔孫之後蓋公之賤而曹相諮之以政帝王貴德於上俗亦
反本於下故田叔等十人漢廷臣無能出其右者而未嘗干祿